



Broj: 11-19-11-2-3377/26
Datum: 08.09.2026.godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavka seta za nasilno otvaranje vrata i ručnog metal detektora

1. Prihvata se prijedlog Komisije za provođenje otvorenih postupaka nabavke za Javnu nabavku seta za nasilno otvaranje vrata i ručnog metal detektora, te se Ugovor dodjeljuje ponuđaču KM TRADE d.o.o. Visoko, prema Ponudi broj: 31082026-1 od 31.08.2026. godine po ukupnoj cijeni u iznosu od 11.750,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
4. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke seta za nasilno otvaranje vrata i ručnog metal detektora po Obavještenju o javnoj nabavci broj: 1412-1-1-228-3-178/26 objavljeno u "Službenom glasniku BiH" broj:61/26, dana 21.08.2026. godine.

Procijenjena vrijednost Javne nabavke iznosi 11.750,00 KM bez PDV-a:

Dana 03.09.2026. godine, Komisija za provođenje otvorenih postupaka nabavki za 2026. godinu izvršila je radnju Otvaranje ponuda, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za otvoreni postupak Javne nabavke seta za nasilno otvaranje vrata i ručnog metal detektora, Komisija je utvrdila da je za navedenu nabavku do određenog krajnjeg roka za dostavljanje ponuda pristigla (1) jedna ponuda i to Ponuda ponuđača KM TRADE d.o.o. Visoko broj: 31082026-1 od 31.08.2026. godine sa ponuđenom ukupnom cijenom u iznosu od 11.750,00 KM bez PDV-a, kao i da je ponuda navedenog

ponuđača formalno-pravno ispravna i ispunjava uslove tražene tenderskom dokumentacijom, te kao takva za ugovorni organ prihvatljiva.

Komisija je u svom radu utvrdila da je ponuđač KM TRADE d.o.o. Visoko za Javnu nabavku seta za nasilno otvaranje vrata i ručnog metal detektora, dostavio kvalifikaciona dokumenta tražena Tenderskom dokumentacijom broj: 11-19-11-2-3377/26 od avgusta 2026. godine.

Rukovodeći se kriterijem najniža cijena, te da je za navedenu nabavku bio samo jedan ponuđač koji je ispunio tražene uslove, e-aukcija nije zakazivana. Komisija je u skladu sa članom 70., ZJN predložila da se za Javnu nabavku seta za nasilno otvaranje vrata i ručnog metal detektora, donese Odluka o izboru najpovoljnijeg ponuđača i ugovor dodijeli ponuđaču KM TRADE d.o.o. Visoko broj: 31082026-1 od 31.08.2026. godine sa ponuđenom ukupnom cijenom u iznosu od 11.750,00 KM bez PDV-a što je konstatovano u Zapisniku o pregledu i ocjeni ponuda od 08.09.2026.godine.

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

DIREKTOR
GLAVNI GENERALNI INSPEKTOR POLICIJE

Igor Marić

Dostaviti:

- Sektor za finansije i javne nabavke
- ponuđači
- u spis